

I - ARABAKO BATZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

Organismo Autonomoak

GAZTERIAREN FORU ERAKUNDEA

Dirulaguntzak ematea arautzen duen ordenantza orokorra

Lehenengoa. Xedea

Oinarri hauen xedea da aurrekontu kredituetatik ordaindu beharreko dirulaguntzak arautzea, Gazteriaren Foru Erakundearen eskumen esparruan. Programa bakoitzaren deialdian zehaztuko dira laguntza horiek.

Bigarrena. Laguntza lerroak

Modu jarraituan egingo diren aisialdiko jarduerak.

Udako jarduerak.

Aisialdiko begiraleen eta zuzendarien ikastaroak.

Programa zehatzak edo apartekoak

Materialetarako

Gazteriaren Foru Erakundeko eskumen esparruan dauden programak edo jarduerak.

Hirugarrena. Betekizun orokorrak

Eranskin bakoitzean zehazten direnez gain, honakoak, betiere:

a) Erakunde onuradunak: dirulaguntza eskatu ahal izango dute gazteen elkarteek, aisialdiko elkarteek eta toki erakundeek, baldin eta egoitza edo ordezkaritza Arabako Lurralde Historikoan eta Trebiñuko Konderrian badute eta, berariaz, gazteei zuzenduriko jarduerak sustatzen badi-tuzte.

b) Gorago zehaztutakoetatik kanpo geratzen dira ondoko elkarte eta erakundeak:

- Diruz lagundua izan dadin nahi duten programaren helburuen artean Arabako Lurralde Historikoa, Trebiñuko Konderria edo arabarrak sartzen ez dituztenak.

- Emakumeen eta Gizonen Berdintasunerako Eusko Legebiltzarraren otsailaren 18ko 4/2005 Legean jasotzen diren kasuetan ez dauden elkarteak edo erakundeak.

- Estatuaren edo Autonomia Erkidegoaren mende dauden erakunde edo zerbitzuak, eta beste administrazio batzuen eskumenerako jarduera eremua duten gazteen erakunde, elkarte edo taldeak.

- Arabako Foru Aldundiaren aurrekontuan dirulaguntza izendunak dituztenak eta beren xedea bat badator dirulaguntzaren xedearekin.

- Aurreko ekitaldian onartutako dirulaguntzak erregularizatu gabe dituztenak.

c) Dirulaguntzetarako deialdi honetatik kanpo geratuko dira ondorengo hauek ere:

- Eskolako ordutegian egiten diren jarduerak edo eskola programen osagarri direnak.

- "Beste sail edo erakunde ofizial batzuei dagozkien kultura eta kirol jarduerak.

d) Hona erakunde onuradunen betebeharrak:

— Jarduera gauzatu dela egiaztatzea programa bakoitzerako adierazten den bezala.

– Gauzatzen diren jarduera guztiek emakumeek proiektu horretan murgiltzeko aukera berdina izatea ahalbidetuko dute, bai eta emakumeek parte hartze aktiboa izatea ere, Emakumeen eta Gizonen Berdintasunerako Eusko Legebiltzarraren otsailaren 18ko 4/2005 Legearekin bat etorritik.

– Foru erakundeak egin beharreko egiaztatze jarduerari men egitea, eta erakunde horrek zuzenean edo Arabako Foru Aldundiaren Ogasun, Finantza eta Aurrekontu Sailaren bidez, Herri Kontuen Epaitegiaren bidez, baimendutako auditoreen bidez edo beste erakunde eskudun bidez eskatutako informazio guztia ematea.

– Erakundeari berehala jakinaraztea administrazioek edo erakunde publiko zein pribatuek emandako edozein dirulaguntza edo lagunaza eskuratu izana. Horretaz gain, dirulaguntza emateko kontuan hartutako baldintzetan egin diren aldaketak jakinaraziko dira.

– Dirulaguntza kobratu baino lehen egiaztatzea zerga-betebeharrak eta Gizarte Segurantzarekikoak egunean dituela, Diputatuen Kontseiluak otsailaren 11n emandako 18/1997 Foru Dekretuak (ALHAO, 23 zenbakia, 1997ko otsailaren 26koa, eta ALHAO, 23. zenbakia, 2004ko urriaren 18koa) esandako moduan eta dirulaguntzei buruzko azaroaren 17ko 38/2003 Legearen arabera.

Laugarrena. Dirulaguntzak ematea

Lehiaketa bidez erabakiko da dirulaguntzak nori eman, kasuan kasuko deialdiek jasotako salbuespen kasuetan izan ezik.

Dirulaguntzen zenbatekoa jasotako eskaeren, jardueraren kostuaren, garrantziaren, iraupenaren eta egoeren arabera zehaztuko da, bai eta deialdi bakoitzean ezarritako irizpideen arabera ere.

– Kasu guztietan, deialdi bakoitzaren irizpideak aplikatu ondoren, azken zenbatekoaren zati osoa hartuko da dirulaguntzaren zenbatekotzat.

– Eskaeren zenbatekoaren bolumena dirulaguntzarako gorde den gehienezko zenbatekoa baino nabarmen handiagoa bada, deialdiak erakunde onuradunen artean hainbanatzeko aukera emango du, salbuespenez eta ezarritako betekizunetan gorabeherarik eragiten ez bada, onuradunek eskatutakoaren eta dirulaguntzarako gehienezko kopuruaren arteko aldearen portzentajea.

Oro har, programen eta balizko erakunde onuradunen ezaugarriak direla eta, deialdi bakoitzean zehazten diren aurrerakinak emango ahal izango dira.

Bosgarrena. Eskaerak aurkeztea

1. Gazteriaren Foru Erakundearen bulegoetan edo hitzartutako udalen erregistro orokorretan aurkeztu beharko dira eskaerak, horretarako taxutuko diren ereduetan. Erakunde horren bulegoetan edo web orrian (www.alava.net/lfj) eskuratu ahal izango dira ereduok. Deialdi bakoitzak eskatutako agiriekin osatuko da eskaera.

Erakunde eskatzailea ordezkatzeko legezko gaitasuna duenak edo taldearen arduradunak sinatutako du inprimaki ofiziala.

2. Dirulaguntza hauek eskuratzeko eskaerak aurkezteak berekin dakar oinarri hauetan ezarritakoa formalki eta berariaz onartzea.

3. Informazioa eta aholkularitza. Gazteriaren Foru Erakundean jaso ahal izango dituzte aholkuak eta argibideak oinarri hauetan interesa duten elkarteek.

4. Deialdi bakoitzean ezarritakoa izango da eskaerak aurkezteko epea.

5. Aurkeztutako eskaerekin batera eskatutako agiriak aurkezten ez badira edo emandako informazioa nahikoa ez dela uste bada, hamar egun baliodun izango du dirulaguntza eskatu duen erakundeak eskatzen zaizkion agiri horiek aurkezteko. Eskatutako agiriak ez badira bidaltzen

arestian adierazitako epean, erakundeak eskaeran atzera egin duela ulertuko da, eta laguntza ezetsiko zaio.

6. Eskaera bat behar bezala beteta egongo da, baldin eta eskaera horretan eskaera ñprimakietan eskatzen diren agiri guztiak jasotzen badira eta, Gazteriaren Foru Erakundearen iritziz, nahikoa dela uste bada proiektuari buruzko informazioa, proiektua aztertu eta ebaluatu ahal izateko.

7. Eskaeran ageri den helbidea erabiliko du Gazteriaren Foru Erakundeak jakinarazpenetarako. Erakunde eskatzailearen zeregina izango da datuetan egondako edozein aldaketaren berri ematea berariaz Gazteriaren Foru Erakundeari, batik bat eskatzailearen helbide aldaketari edo bere banku kontuko datuei buruzko aldaketa egon bada.

8. Dirulaguntzak eskuratzeko eskaerak aurkezteak bai oinarri orokor hauetan baita kasuan kasuko oinarri espezifikoeetan ezarritakoa ere formalki eta berariaz onartzen dela esan nahi du.

9. Behar beste informazio eskatu ahalko dio Gazteriaren Foru Erakundeak erakunde eskatzaileari, emandako datuak egiaztatzeko, laguntza emateko edozein izapidetze fasetan, bai eta diruz laguntzeko proiektu edo jardunari buruzko behar beste dokumentazio osagarri ere.

Seigarrena. Agiriak

Eskaerarekin batera ondoko agiriak aurkeztuko dira:

a) Aurrera eraman beharreko programa edo jardueren proiektu xehatua, honakoak jasoko dituen, deialdi bakoitza gorabehera: proiektuaren justifikazioa, helburua, jarduerak, parte-hartzaile kopurua, jarduerak gauzatzeko eguna eta tokia, behar bezala xehatutako gastuen eta sarreraren aurrekontua (finantzatzeko iturri guztiak zehaztuta) eta interesekotzat jotzen den beste edozein informazio.

b) Erantzukizun zibileko aseguru polizaren eta ordainagiriaren fotokopia, eta dirulaguntzaren eskaera eta horren justifikazioa. Erantzukizun zibileko polizaren fotokopia behin baino ez da aurkeztuko, baldintzetan aldaketaren bat gertatu arte.

c) Laguntza lehenbiziko aldiz eskatzen badu elkarte batek, elkarte eta erakundearen Erregistroan erroldatuta dagoen ziurtagiria aurkeztu behar du, baita beren estatutuak, zuzendaritza organoa osatzen duten pertsonen zerrenda eguneratua eta IFZren fotokopia ere.

Zazpigarrena. Balorazio Batzordea eta ebazpena

Balorazio Batzordeak aztertuko ditu eskaerak. Batzorde hori ondokoek eratuko dute:

- Idazkaritza Teknikoaren burua edo hark eskuordetzen duen pertsona.
- Zerbitzu Orokoretako teknikaria edo hark eskuordetzen duen pertsona.
- Gazteriako teknikaria edo hark eskuordetzen duen pertsona.

Herri Administrazioen Araubide Juridikoaren eta Administrazio Prozedura Erkidearen azaroaren 26ko 30/1992 Legeak (urtarrilaren 13ko 4/1999 Legeak aldatua) 59. artikuluan xedatutakoaren arabera jakinaraziko dira ebazpenak.

Oro har, eskaera ezetsi egin dela ulertuko da, baldin eta, administrazioaren isiltasunari buruzko foru araudia egokitu duen urtarrilaren 3ko 1/1999 Foru Dekretu Arauemailearen 2. artikuluko 14. idatz zatian ezarri bezala, ebazpena eman eta jakinarazteko 6 hileko gehienezko epea igaro bada.

Zortzigarrena. Dirulaguntza bat baino gehiago egotea aldi berean

Dirulaguntza bakoitzak ezin du onuradunak egingo duen jarduera/programaren kostua gainditu, ez berak bakarrik, ezta beste dirulaguntza, laguntza eta sarrera batzuekin bat eginda ere.

Bederatzigarrena. Datu pertsonalen babesa

1. Datu Pertsonalak Babesteko araudia betez, fitxategi automatizatu batean sartuko dira dirulaguntzen onuradunen edo horien ordezkarien datu pertsonalak, Gazteriaren Foru Erakundeak bere esparruan esleituta dauzkan eskumenen barruan dirulaguntzak kudeatzeko berezko funtzioak eta eginkizunak egin ahal izateko. Datu pertsonalen erabateko segurtasuna bermatzeko behar diren segurtasun neurriak ditu Erakundeak. Era berean, adierazten ditu datu pertsonal horiek ez zaizkiela emango hirugarrenei, legeak ezarritako kasuetan izan ezik.

2. Sarbide, zuzenketa eta ezeztapen eskubideei buruzko edozein kontsulta edo ohar egin nahi bada (abenduarien 13ko 15/1999 Lege Organikoa), Gazteriaren Foru Erakundearen bulegoetara (Frai Francisco ibilbidea, 6, 01007 Vitoria-Gasteiz. Araba) jo beharko da.

3. Interesdunak datu horiek fitxategian sartzeari uko egiten badio, ez du jasoko dirulaguntzarik.

Hamargarrena. Instrukzioa

Gazteriaren Foru Erakundeak izango du prozeduraren instrukzioa egiteko eskumena.

Hamaikagarrena. Babesa

1. Gazteriaren Foru Erakundearen laguntza jaso duten jardueri buruzko argibide, publizitate eta propaganda orotan erakunde horrek diruz lagundu duela jasoko da.

2. Lagundutako jardueraren inguruan, euskara gutxienez gaztelaniaren baldintza beretan eta maiztasun berarekin erabiltzen dela bermatu beharko da, ondoko gaietan: publizitatea, agerkariak, banatzen diren prestakuntza programak, esku orriak, diptikoak, oharrak, Interneteko edukiak, ekitaldi publikoak, sortzen den materiala, etab.

Hamabigarrena. Dirulaguntza aldatzea

Dirulaguntza emateko kontuan hartu diren baldintzak aldatzen badira eta, edozer dela ere, edozein erakunde publiko edo pribatuk gauza bererako emandako laguntzak edo dirulaguntzak lortzen badira, dirulaguntza emateko ebazpena aldatu eta dirulaguntzaren zati bat itzuliko da.

Hamahirugarrena. Kontsignazioa

1. Dirulaguntzentzako gehienezko zenbatekoa ezarriko du deialdiak, bai eta egotzitako aurrekontu partidak ere.

2. Aurrekontu ekitaldian emandako laguntzak, guztira, ez dira kontsignazio hori baino gehiago izango, edo aurrekontu aldaketak onartuz geroko eguneratsetik sortutakoa baino gehiago, deialdia ebatzi aurretik. Edonola ere, kasuan kasuko deialdietan, mugatu egin ahal izango da finantzazio publikoa, kostu osoaren ehuneko jakin batera, adierazita, hala behar izanez gero, dirulaguntzatarako gehienezko zenbatekoa, eskatzaileko edota diruz lagundu beharreko jardun bakoitzeko.

Hamalagarrena. Ebazpena

Gazteriaren Foru Erakundearen organo eskudunak, Balioztapen Batzordearen proposamenaz, bidezkoa den ebazpena hartuko du, deialdi bakoitzean ezarritako epearen barruan.

- Baiezkoa bada ebazpenean ondokoak adieraziko dira: dirulaguntzaren zenbatekoa eta ordaintzeko modua, zein programa edo jarduerari eman zaion, aurkeztu beharreko agiriak eta zein baldintzetan ematen den. Hori guztia erakunde onuradunei jakinaraziko zaie, Herri Administrazioen Araubide Juridikoari eta Administrazio Prozedura Erkideari buruzko azaroaren 26ko 30/1992 Legeko 59. artikuluan ezarritakoaren arabera.

- Dirulaguntza emateko ala ukatzeko ebazpena idatziz jakinaraziko zaie erakunde interesdunei, jakinarazpenetarako adierazi duten lekuan.

Hamabosgarrena

Administrazio Kontseiluaren ebazpenak amaitu egingo du administrazio bidea, baina horren aurka berraztertze errekurtsoa jar daiteke, nahi izanez gero, ebazpena eman zuen organo beraren aurrean, hura jakinarazi eta hurrengo egunetik aurrera, hilabeteko epean, edo bestela, zuzenean administrazioarekiko auzi errekurtsoa Euskal Herriko Auzitegi Nagusiaren administrazioarekiko auzietarako sailean, jakinarazi eta ondorengo bi hilabeteetan.

Hamaseigarrena. Ordainketak

1. Oro har, kasuan kasuko deialdiak xedatutakoaren arabera dirulaguntza xede izan den proiektua edo jarduera justifikatu ondoren ordainduko da dirulaguntza.

2. Hala ere, kasuan kasuko deialdietan, ordainketa aurreratutako egiteko aukera jaso ahal izango da, ALHko Dirulaguntzei eta Transferentziei buruzko foru arauak xedatutakoarekin bat etorritik. Ordainketa aurreratutako ekarriko dutena da funtsak justifikazioa egin aurretik ematea, dirulaguntzari lotuta dauden jardunak aurrera eramateko beharrezko finantzazio bezala, eta justifikatu beharrezko ordainketa aurreratu bezala ordainduko da.

3. Deialdi bakoitzean ezarritako epe eta moduan adieraziko da dirulaguntza ordaintzeko beharra eta horren ordainketa; hala badagokio, aurreko paragrafoan aipatutako aurrerakin horien kenketa aplikatuko da eta horiek justifikatutzat emango dira, baldin eta Behar bezala dokumentatu badira.

4. Ezingo da ordainketa egin, harik eta erakunde onuradunak zerga betebeharrak eta Gizarte Segurantzarekikoak egunean izan arte.

Hamazazpigarrena. Bateragarritasunak

Programa hauetarako ematen diren dirulaguntzak bateragarriak dira xede bererako beste administrazio edo erakunde publiko zein pribatu batzuek (naziokoek, Europar Batasunekoek zein nazioartekoek) emandako dirulaguntza, laguntza, sarrera eta baliabideekin.

Hemezortzigarrena. Erantzukizunak

Erakunde onuradunak programa/jarduera egiteak ekar dezakeen erantzukizuna hartuko du bere gain, eta indarrean dagoen legediak ezartzen dituen baimenak eska ditzake.

Hemeretzigarrena. Ez betetzea

1. Baldin erakunde onuradunak laguntza deialdietan eta oinarri orokor hauetan araututako baldintzaren bat betetzen ez badute, dirulaguntza baliogabetu egin daiteke, eta dirulaguntza dagoeneko ordainduta badago, erakundeak nahitaez dirulaguntza hori itzuli egin beharko du, indarrean dagoen legearekin bat etorritik, Gazteriaren Foru Erakundeak zehaztutako eran.

2. Gazteriaren Foru Erakundeak lege egintza egokiak gauzatu ahalko ditu erabaki honetan xedatutako laguntzen administrazio ebazpenetako ez betetze larriak gertatzen badira, edota ziurtagiri faltsuak eta bete gabeko aitortpenak aurkeztuz gero.

Hogeigarrena. Publizitatea

Deialdi hau ALHAOn argitaratuko da.

Hogeita batgarrena. Interpretazioa

Gazteriaren Foru Erakundeko Zuzendaritza-Kudeatzaileak argituko du oinarri hauek interpretatzearen inguruan sortutako edozein zalantza.

Hogeita bigarrena. Aplikatzeko araudia

Oinarri hauetan xedatu ez den edozertarako, honako arau hauek aplikatuko dira: Arabako Dirulaguntzei eta Transferentziei buruzko 3/1997 Foru Araua, Dirulaguntzei buruzko azaroaren 17ko 38/2003 Lege Orokorra, lege horren araudia onartzen duen uztailaren 21eko 887/2006

Errege Dekretua, Arabako Aurrekontuen Araubide Ekonomikoari buruzko abenduaren 18ko 53/1992 Foru Araua, aurrekontuaren arloan indarrean dauden arauak, Herri Administrazioen Arau bide Juridikoaren eta Administrazio Prozedura Erkidearen 30/1992 Legea, eta aplikatu beharreko gainerako arauak.

Hogeita hirugarrena. Indarrean sartzea

ALHAOn argitaratzen den egunaren hurrengoan jarriko dira indarrean oinarri hauek.

Vitoria-Gasteiz, 2016ko apirilaren 25a

Gazteriaren Foru Erakundearen zuzendari-kudeatzailea
JOSEBA KOLDO PÉREZ DE HEREDIA ARBÍGANO